



LITLI SÁMUR

FRÉTTABRÉF HUNDARÆKTARFÉLAG ÍSLANDS

4. tbl. – apríl 2017



Næsta augnskoðun félagsins fer fram dagana 4.-6. maí. Skoðunin fer fram 4. maí á Akureyri og 5. og 6. maí á skrifstofu HRFÍ í Síðumúla 15. Dýralæknirinn Susanne Mølgaard Kaarsholm skoðar hundana að þessu sinni. Skráning í augnskoðunina fer fram á skrifstofu HRFÍ eða í síma 588-5255. Síðasti skráningadagur er 21. apríl eða fyrr ef allir tímar klárast.

Framboð til stjórnar HRFÍ

Á næsta aðalfundi félagsins verður kosið um formann félagsins, tvo meðstjórnendur sem og varamann þeirra. Í gær rann út framboðsfrestur og eftirfarandi félagsmenn gefa kost á sér.

Herdís Hallmarsdóttir gefur áfram kost á sér til formanns.

Daníel Örn Hinriksson og Pétur Alan Guðmundsson gefa kost á sér áfram í aðalstjórn félagsins.

Eftirfarandi gefa einnig kost á sér í aðalstjórn en til vara í stöðu varamanns:

Damian Krawczuk, Kjartan Antonson, Rúna Helgadóttir Borgfjörð, Viktoría Jensdóttir og Þórdís Björg Björgvinsdóttir.

Kynning á frambjóðendum verður útfærð fljótlega sem og nánari kynning á fyrirkomulagi kosninga utan kjörfundar.

Lokun í apríl

Skrifstofan verður lokuð eftirfarandi daga í apríl: 13. apríl (Skírdagur), 14. apríl (Föstudagurinn langi), 17. apríl (annar í páskum) og 20. apríl (sumardagurinn fyrsti).

Skráning á tvöfalda sýningu í júní hafin

Skráning er hafin á tvöfalda útisýningu í júní. Hvolpasýning og keppni ungra sýnenda fara fram föstudagskvöldið 23. júní. Laugardaginn 24. júní er Reykjavík Winner sýning þar sem bestu hundar tegundar (BOB) og bestu hundar af gagnstæðu kyni (BOS) í öllum tegundum hljóta titlana RW-17. Sunnudaginn 25. júní verður alþjóðleg sýning. Sýningin fer fram úti á túni í Víðidal, á sama stað og síðustu útisýningar. Að þessu sinni verður söluaðilum dýratengdra vara boðið að koma og kynna vörur sínar endurgjaldslaust á svæðinu og vonumst við til að fá skemmtilega stemmningu í kringum það. Dómarar á sýningunni verða: Andrezej Szutkiewicz frá Póllandi, Auður Sif Sigurgeirsdóttir frá Íslandi, Ásta María Guðbergsdóttir frá Íslandi, Fabrizio La Rocca frá Ítalíu, Kari Järvinen frá Finnlandi, Moa Persson frá Svíþjóð og Philip John frá Indlandi. Dómaraáætlun verður birt þegar nær dregur skráningafresti.

Skráningafrestur á gjaldskrá 1 rennur út í lok dags þann 12. maí n.k. Þá er jafnframt lokadagur til að skila umskráningum og gotskráningum vegna hunda á sýningunum.

Skráningafrestur á gjaldskrá 2 rennur út í lok dags þann 26. maí n.k.

Frá deildum HRFÍ

Ungmennadeild

Dagur Ungmennadeildar HRFÍ var haldinn hátíðlegur sunnudaginn 26. mars í húsnæði Gæludýr.is. Á þessum skemmtilega viðburði gafst sýnendum á öllum aldri kostur á að spreyta sig í sýningarhringnum þar sem þeir sjálfir voru dæmdir fyrir hæfileika sína en ekki hundarnir eins og venjan er.

Hátt í 80 þátttakendur voru skráðir til leiks og var þeim skipt í sex flokka eftir aldri; barnaflokka (3-5 ára og 6-8 ára), unga sýnendur



(yngri og eldri flokk) og fullorðinsflokka (18-34 ára og 35 ára og eldri).

Dagurinn heppnaðist vel í alla staði og vill stjórn deildarinnar koma á framfæri þökkum til eigenda Gæludýr.is fyrir afnot af húsnæði þeirra, Dýrheima ehf. fyrir glæsilega vinninga, þátttökuverðlaun og afnot af teppum og Melabúðarinnar fyrir glæsilega vinninga. Stjórnin þakkar einnig öllum þeim sem tóku þátt í þessum skemmtilega degi og styrktu þar með deildina!



Retrieverdeild

Ársfundur deildarinnar var haldinn 15. mars sl. Fundurinn gekk vel og var vel sóttur.

Þrjú sæti voru laus í stjórn, Heiðar Sveinsson, Sigrún Guðlaugardóttir og Þórhallur Atlason höfðu setið sín tvö ár. Sigrún og Þórhallur gáfu kost á sér áfram en einnig gáfu Guðrún Rakel Svandísardóttir og Kristján Smári Smárason kost á sér. Nýja stjórn skipa Guðrún Rakel, Kristján Smári, Þórhallur, Erla Heiðrún og Jens Magnús.



Mynd 1: Heiðar Sveinsson

Við þökkum Heiðari og Sigrúnu fyrir vel unnin störf.

Retrieverdeildin er með sterkar nefndir sem skipuleggja viðburði á vegum deildarinnar eru retriever eigendur hvattir til að taka þátt í þeim viðburðum sem þær skipuleggja.

Þann 8. apríl nk. mun vinnu-og veiðinefnd standa fyrir óopinberu veiðiprófi við Straum og þann 29. apríl ætlar göngu-og skemmtinefnd að standa fyrir hvolpasprelli í Sólheimakoti og verður sá viðburður auglýstur betur þegar nær dregur.

Opnað hefur verið fyrir skráningu í fyrsta veiðipróf ársins sem verður haldið 22. apríl á nýju svæði við Stokkseyri.

Eins hefur verið opnað fyrir skráningu á veiðinámskeið með Trond Gjotterud sem deildin stendur fyrir í sumar.

Fögnum komandi tímabili, við erum með góða dagskrá og getum gert þetta ár eftirminnilegt með góðri þátttöku og samheldni sem deildin er þekkt fyrir.

Shih tzu deild

Stjórn fjölmennti á stærstu hundasýningu í Bretlandi „ Crufts“ og varð vitni að því að rakkinn Artelinos Mumins Adventure varð BOS á sýningunni. Sýndir voru 186 hundar þar af 97 rakkar. Stjórn óskar eigandanum Carly Turner sem býr í Bretlandi og ræktandanum Önju Björgu Kristinsdóttur innilega til hamingju með þennan frábæra árangur.

Ársfundur deildarinnar var haldinn 23. mars s.l. úr stjórn gekk Jónína Elísabetardóttir, nýr stjórnarmaður er Lilja Björk Sveinsdóttir Jensen, engar aðrar breytingar urðu á stjórn.

Stigahæstu hundanir voru heiðraðir 12. janúar Stigahæstur var Ta María The Boombastic Beat sem er stigahæsti rakkinn og Santosha Matthilde stigahæsta tík. Í fyrsta skipti voru afhent verðlaun fyrir stigahæsta hvolp ársins, varð það Íseldar Aaron.

Deild íslenska fjárhundsins

Deild íslenska fjárhundsins ætlar að vera með opið hús laugardaginn 29. apríl kl. 14:00 í húsnæði HRFÍ, Síðumúla 15. Þar ætlar Birna Baldursdóttir að kynna Erfðalindasetur Landbúnaðarháskóla Íslands.